

Կնիք

1858.

«Մատթէոս ծառայ Քրիստոսի և անհասանելի կամօքն Աստուծոյ եպիսկոպոսապետ և կաթողիկոս ամենայն Հայոց ծայրագոյն պատրիարք համազգական նախամեծար Աթուոյ Արարատեան Առաքելական մայր եկեղեցւոյ կաթողիկէ սրբոյ Էջմիածնի»:

Բարեպաշտօն եւ ջերմեռանդն որդւոց Մօրն լուսոյ կաթողիկէ Էջմիածնի եւ մեծի առաքելական աթոռոյս՝ քարեծրնունդ իշխանաց եւ ամենայն հասարակութեանդ արանց եւ կանանց մեծաց եւ փոքունց՝ ձերոց եւ տղայոց առ հասարակ քրնակելոցդ ՚ի քաղաքսն եւ զհւղօրայս տիրախնամ վիճակին Շամախոյ՝ նուիրելով Յիսուսաւանդ սուրբ ողջոյն մերով Հայրապետական քազմապատիկ օրհնութեամբ ծանուցանեմք ամենից մերազնեայ քարեպաշտօն ժողովրդականացդ, զի լսելով մեր թէ՛ հռչակաւոր սուրբ վանքն Ստեփաննոսի նախավկային Քրիստոսի՝ որ կայ մինչեւ ցայսօր կանգուն, լինելով քայքայեալ այո՛ կարօտի վերանորոգութեանց օժանդակութեամբ կամաւոր տրոց ամենից Ձեր ջերմեռանդն ժողովրդականացդ ՚ի պայծառութիւն այնր սրբոյ մենաստանին, որ միայն է յաւերժական յիշատակ մերոց մեծահաւատ եւ քարեպաշտ նախնեաց եւ յատկապէս ապացոյց մեծագործութեանց եւ ջերմ Աստուածապատութեանց Հայաստանեայցս Ազանց. ուստի զհետելով զՁեր ջերմեռանդութիւն առ սուրբ ուխտն այն՝ այսու մերով քահանայապետական օրհնութեամբ յատուկ կոնդակաւ յորդորեմք զսիրելի ժողովրդականսդ ՚ի շինութիւն եւ ՚ի քարեկարգութիւն յիշեալ վանուոցդ, զի իւրաքանչիւր ոք ՚ի ձէնջ ըստ իւրում՝ Աստուածսիրական եւ ազգասիրական արդեանց վաստակոց մասնաւորեցէ զկամաւոր նուիրատուութիւնս ՚ի ձեռն քարեջան վիճակաւորին Ձերում սրբազան Դանիէլ Արքեպիսկոպոսի ըստ տրնօրէնութեան մեր ժապարհինեալ տօմարաւ առ ՚ի ո՛չ անազան ձեռնամուխ լինել ՚ի վերանորոգութիւն հրաշալի վանացն ՚ի պայծառութիւն տան Տեառն Աստուծոյ մերոյ, առ որ նախա-